



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

96 Posseßione sua nemo privari potest sine causae cognitione.

urn:nbn:de:hbz:466:1-10316

hospitalia, Ecclesias, oratoria, & alia quæcunque loca eis subiecta diligenter visitaverint, ut in cap. 1. 2. & 3. de visitat. alioquin ipsi negligentibus visitationem facere, carent omni iurisdictione, & præminencia priorali. cap. prior, eod. tit.

24. Præterea, † Priores, Bajulivi, & singuli Commendatarii, eadem auctoritate ordinaria beneficia quæcunque à Prioratibus, & aliis quibuscunque commendis dependentia conferre possunt, quia ex eorumdem privilegiorum, & statutorum dispositione, ordinaria auctoritate, ad ipsorum Priorum, Bajulivorum, & Commendatariorum collationem, & provisionem spectant, ut in prædicta Bulla Pij IV. ita quòd, † etiam † presbyteri seculares illa in commendam, aut alias quomodolibet obtinentes, commendis cedere, aut illas alias dimittere non possunt, nisi de consensu eorum, ad quos præsentatio, aut collatio spectat, & in favorem ejusdem religionis, seu personarum, quæ habitum, per fratres capellanos ejusdem hospitalis deferri solitum suscipiant, & professionem per eos emittant, nec illa, nisi intra sex menses à die intimationis, habitum ipsius religionis susceperint, & regularem professionem intra alios sex menses emiserint, possidere possunt, nec pensiones, absque habitu retinere, quia resignationes, etiam in manibus Papæ factæ, & provisiones inde factæ nullius roboris, vel momenti existunt, nisi de illis juxta formam privilegiorum dictæ religionis provideatur, ut in eadem Bulla Pij IV. in fin. vers. & ipsi Magister, & pag. 673. in princip. & tunc etiam si habitum, ut su-

pra, non susceperint, nisi expresse fuerit privilegii de non suscipiendo habitum, & non emittendo professionem derogatum, quibus simplex derogatio non suffragatur, etiam si in curia litigiosa fuerint, elapso tempore susceptionis habitus, & professionis emissionem, post intimationem de suscipiendo habitu legitime factam, absque aliqua desuper facienda declaratione, omni, & quocunque jure in dictis beneficiis, vel ad illa competenti carent eo ipso, & tanquam illiciti detentores, occupatores, & intrusi, ab eisdem sunt amovendi, & de illis tanquam de jure, & de facto vacantibus per Magnum Magistrum, & conventum, ac Priores, Bajulivos, Commendatarios, & alios, ad quos collatio spectat, libere provideri potest, amotis detentoribus, & possessoribus; non obstante longa, & diutina possessione, ac regulis de annali, & triennali possessore, ac alii privilegii, remediisque quibuscunque, etiam in corpore juris clausis, quibus diutini possessores utuntur, potiuntur, & gaudent; quavis etiam longissimi temporis præscriptione minime obstante, sed pro amotis, & expulsis sunt habendi, amotaque actione spoli, unde vi, & alio quovis remedio possessorio sive petitorio, competentis, quo desuper propterea agi non potest, ut in motu proprio Greg. XIII. in Bull. cap. 62. post. med. vers. ac quo nostra.

26. Et † quamvis inducatur vacatio ipso jure, & facto, non propterea possunt possessores, seu detentores de facto expelli, quia executio fuit commissa universis Sedis Apostolicæ nunciis, curis causarum cameræ Apostolicæ generali Audi-

Auditori, quibuscunque conservatoribus in dignitate Ecclesiastica constitutis electis, & eligendis, coram quibus de-
rentores sunt vocandi, quia nemo sua possessione privari potest, nisi pravia citatione, cum non sit de mente Pontificis, ut quis removeatur à possessione sine causæ cognitione. Innoc. in cap. 1. num. 4. de concess. preb. in 6. & Felyn. in c. si. n. 24. de presump. sed tamen possessores regula de annali, vel triennali juvari non possunt, quia illis fuit derogatum cum decreto irritanti, & clausula, sicque in præmissis, &c. ac sublata, &c. quæ removeant omnem facultatem aliter judicandi, vel interpretandi ex alijs allegatis.

Pro collatione ¶ parochialium ecclesiarum ab eadem Religione dependentium; & suæ dispositioni spectantium, tenentur collatores personas idoneas Ordinariis locorum, vel, si præceptoribus, à quibus dependent, nullius diocesis existant, vicinioribus Episcopis ordinariis ad examen præsentare, quæ examina gratis, & absque aliqua impensa fieri debent, à quibus examinati, & idonei reperiuntur, collatores ejusdem ordinis eisdem parochiales conferre possunt, ut in ea Bull. Pii V. cap. 139, incipien. *exposcit. cir. med. & instab. c. priores. de com.*

Uterius ¶ Priores, Bajulivi, Castellanus empotæ, commendatarii, milites, fratres, personæ, vasalli, membra, loca, & bona quæcunque ejusdem ordinis, sunt exempta à quorumcunque locorum, tam laicorum, quam Ecclesiasticorum Ordinariis jurisdictione, ita quod ratione delicti, vel contractus, aut rei, de qua agitur, ubicunque committatur de-

lictum, in eatur contractus, & res ipsæ consistat, etiam si ex adverso aliqui clerici seculares, vel regulares, aut laici existant, sub plenaria, & omni moda, etiam mero & misto Imperii jurisdictione, ¶ & superioritate Magni Magistri, & conventus existunt, ut in ea Bulla Pii IV. pagina 663. circa princ. pag. 665. & pag. 671. circa fin. vers. *necnon causas*, & propterea in commendatarios fratres, & personas ejusdem ordinis, etiam gladii, & deponendi facultatem, quam in delinquentes illos habitu, commendis, & vita privando habent, possunt exercere, ut in *instab. ejusdem ordinis. cap. indignum. cap. falsarij. cap. frater. cap. qui proditorie. cap. si frater. cum plur. seq. de poen. & cap. habitu privatus. de verbor. significat.* In mero autem & misto imperio cum omnimoda jurisdictione consistit gladii potestas animadvertendi in facinorosos, & quamcunque jurisdictionem exercendi. *l. imperium. & ibi gloss. in ver. mistum, & Bar. num. 8. Bald. num. 3. Paul. de Caltr. num. 5. & Jas. num. 8. ff. de jurisdic. omn. jud.* ¶ sententiæq; per eisdem Magnum Magistrum, & conventum lata, omnesq; commissiones, & citationes, collationes Bullæ, & omnia eorundem rescripta, à nullis locorum, & terrarum dominis, etiam Ducali, aut Regali auctoritate fulgentibus, expectato consensu libere exequi possunt, ut in ea Bull. pag. 572. in princ. vers. & similiter.

Præterea ¶ præfati Bajulivi, Priores præceptores, & fratres possunt personarum in dignitate ecclesiastica ubilibet constitutas, & quoscunque locorum Ordinarios, & eorum vicarios, officiales, canonicos metropolitan. & cathedralium, aliarumq;